


27-02-2018

357

Nezavisni odbor  
Broj:01-05-10237/18  
Sarajevo, 27.02.2018. godine



VLADA KANTONA SARAJEVO

PREDMET: Prijedlog ocjene rada Policijskog komesara za 2017. godinu-dostavlja se

Nezavisni odbor na sjednici održanoj 26.02.2018.godine, a u skladu s članom 46. stav 1. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16), dostavlja Prijedlog ocjene rada Policijskog komesara za 2017. godinu.

- Dostaviti:
- Ministar MUP-a Kantona Sarajevo
- Policijski komesar
- Uprava policije MUP Kantona Sarajevo
- a/a

PREDSJEDNICA  
NEZAVISNOG ODBORA

Mirela Alihodžić, s.r.



Nezavisni odbor za izbor i reviziju  
policijskog komesara

Broj: 01- 05-10237/18  
Sarajevo, 27.02.2018. godine

Na osnovu člana 46. Zakona o unutrašnjim poslovima Kantona Sarajevo („Službene novine Kantona Sarajevo“, broj 1/16), člana 20. Poslovnika o radu Nezavisnog odbora („Službene novine Kantona Sarajevo“, broj: 23/16), a u vezi sa čl. 80. i 81. Zakona o policijskim službenicima Kantona Sarajevo („Službene novine Kantona Sarajevo“, br. 25/06 i 4/08),  
Nezavisni odbor, d o n o s i

## PRIJEDLOG OCJENE RADA POLICIJSKOG KOMESARA ZA 2017. GODINU

### ZAKLJUČAK

MEVLUDIN HALILOVIĆ, policijski komesar Uprave policije Ministarstva unutrašnjih poslova Kantona Sarajevo, za rad i postignute rezultate u 2017. godini ocjenjuje se ocjenom "ZADOVOLJAVA".

### Obrazloženje

Ocjena rada policijskog komesara Mevludina Halilovića obuhvata period od 19.05.2017. godine do 31.12.2017.godine jer je 19.05.2017. godine od strane Vlade Kantona Sarajevo imenovan na ovu poziciju.

Nezavisni odbor pratio je rad policijskog komesara putem redovnih sjednica, prezentiranjem izvještaja o radu Uprave policije, podnošenjem detaljnih tromjesečnih izvještaja o radu policijskog komesara, dostavljanjem traženih informacija i informacija o događajima koji su se dogodili na području Kantona Sarajevo, a značajni su sa sigurnosnog aspekta.

Cijeneći rad policijskog komesara, pored općih elemenata i kriterija propisanih zakonom i podzakonskim aktima, Nezavisni odbor se rukovodio i činjenicom postojanja određenih specifičnosti i odgovornosti koje sa sobom nosi pozicija policijskog komesara.

U periodu ocjenjivanja policijski komesar je u potpunosti osposobio i finansijski osamostalio Upravu policije, koja je u cjelosti zaživjela na način predviđen Zakonom o unutrašnjim poslovima Kantona Sarajevo. Policijski komesar je bez većih poteškoća sa Upravom administracije Ministarstva unutrašnjih poslova izvršio podjelu poslova, imovine i zaposlenika.

Najznačajniji segment u oblasti propisa bilo je donošenje novog Pravilnika o unutrašnjoj organizaciji i sistematizaciji radnih mjesta Ministarstva unutrašnjih poslova, koji je usvojen u julu 2017.godine. U ovom segmentu policijski komesar je predložio izgled nove Uprave policije koja je podrazumijevala značajne promjene. Nakon stupanja na snagu navedenog Pravilnika, policijski komesar izvršio je nova raspoređivanja zaposlenika u Upravi policije.

Policijski komesar promovirao je efikasnu radnu atmosferu, bio je dosljedan u pristupu i radije donosio odluke koje su izazivala negodovanja nego da prihvati smanjenje standarda i kvaliteta u

radu Uprave policije MUP-a Kantona Sarajevo. Pokazao je visok stepen pravičnosti, nepristrasnosti i dostojanstveno postupanje prema svim pripadnicima zajednice, te efikasno djelovao u sprečavanju problema u zajednici u prevenciji etnički motiviranih i drugih nezakonitih radnji. Policijski komesar Mevludin Halilović, poboljšao je narušenu saradnju sa drugim sigurnosnim agencijama, a posebno Tužilaštvom Kantona Sarajevo.

Analizom provedenih aktivnosti MUP-a Kantona Sarajevo u 2017. godine utvrđeno je da je u proteklom periodu Uprava policije MUP-a Kantona Sarajevo u svom radu postigla zavidne rezultate, velika pažnja je posvećena kvalitetnom opremanju policijskih službenika sa potrebnim materijalno-tehničkim sredstvima (uniforma, naoružanje i sl.), te su poduzete intenzivne aktivnosti koje se odnose na kadrovsku popunjenost u Upravi policije. U mjesecu junu od strane Vlade Kantona Sarajevo odobren je prijem 120 policijskih službenika u činu policajac.

Nakon raspoređivanja na nove poslove i zadatke zaposlenih u Upravi policije, policijski komesar je akcentat djelovanja stavio na raspisivanje oglasa za prijem 120 policajaca. Policijski komesar je raspisao proceduru za javnu nabavku 90 automobila za potrebe Uprave policije, koja su bila dotrajala i nesigurna za korisnike. U 2017. godini tenderska procedura je završena i izvršena je narudžba vozila.

U periodu ocjenjivanja policijskog komesara Uprava policije je obezbjeđivala velike javne skupove od kojih su najupečatljiviji Sarajevo film festival i doček Nove godine, koji su prošli bez incidenata.

Policijski komesar je tokom perioda ocjenjivanja bio u potpunosti opredjeljen za poštivanje načela zakonitosti u radu, a posebno u slučajevima primjene policijskih ovlaštenja.

Policijski komesar je dao veliki doprinos dostizanju optimuma kvaliteta i efikasnosti Uprave policije kojom rukovodi. Inicirao je, predlagao i aktivno učestvovao na donošenju niza pravnih propisa kojim je bitno poboljšan ovaj segment rada.

U periodu ocjenjivanja je učestvovao i davao značajan doprinos u radu tijela koje je formirao direktor Federalne uprave policije i policijski komesari u kantonalnim ministarstvima unutrašnjih poslova, ali i u drugim aktivnostima pokrenutim od strane sigurnosnih agencija na svim nivoima vlasti.

U periodu ocjenjivanja Nezavisni odbor nije bio zadovoljan radom Uprave policije u segmentu rada u zajednici i kontroli ugostiteljskih objekata u smislu održavanja javnog reda i mira, te je u više navrata tražio od policijskog komesara da poboljša rad policije u zajednici, poveća broj patrola na ulicama, te da organizuju kontinuirane pretrese ugostiteljskih objekata smatrajući da bi na taj način povećali osjećaj sigurnosti građana Kantona Sarajevo.

Shodno naprijed opisanom, Nezavisni odbor cijeni profesionalnim rezultate rada policijskog komesara kao i Uprave policije MUP-a Kantona Sarajevo kojom rukovodi.

PREDSJEDAVAJUĆA NEZAVISNOG ODBORA

*Mirela Alihodžić*

Mirela Alihodžić